



Universitätsbibliothek Paderborn

Diplomatvm Belgicorvm Libri Dvo

Le Mire, Aubert

Brvxellis, 1627

98. Ordinem Equitum Velleris aurei, an. 1430. à se institutum, Philippus Bonus, Burgundiae Brabantiaeque Dux, & Flandriae Comes, suo diplomate confirmat, an. 1431. Gregorij XIII. Papae diploma ad ...

urn:nbn:de:hbz:466:1-10903

C A P V T X C V I I I .

*Ordinem Equitum Velleris aurei, an. 1430. a se institutum,
Philippus Bonus, Burgundie Brabantiaeque Dux,
& Flandria Comes, suo diplomate con-
firmat anno 1431.*

PHILIPPVS Dei gratia Dux Burgundiæ, Lotharingiæ, Brabantiae, Limburgi, Comes Flandriæ, Artesiæ, Burgundiæ, Namurci Palatinus, Marchio sacri Imperij, Dominus Salinarum & Melchiniæ.

Notum facimus omnibus præsentibus & futuris, quod propter magnum & perfectum amorem, quem habemus erga nobilem statum & ordinem dignitatis Equestris, cuius honorem ardentí studio & singulari affectu augere desideramus, ut per Equestrem ordinem vera religio Catholica, status nostræ sanctæ matris Ecclesiæ, & tranquillitas prosperitasque Reipublicæ defendantur & conseruentur.

Nos, ad laudem & gloriam omnipotentis Creatoris & Redemptoris nostri, ad honorem matris eius gloriose Virginis, & S. Andreæ, gloriofi Apostoli & martyris, ad exaltationem fidei & sanctæ Ecclesiæ, & excitationem virtutum & bonorum morum, die 10. mensis Ianuarij, anno Domini millesimo quadragegesimo viii. vicesimo nono, qui erat dies solennisationis matrimonij inter nos & nostram carissimam & amantissimam conjugem ELISABETHAM, in opido nostro Brugensi, suscepimus, creauimus & ordinauimus, & per has præsentes suscipimus, creamus & ordinamus Ordinem & fraternitatem dignitatis Equestris, & amicabilis societatis certi numeri Equitum, quem volumus appellari Ordinem VELLERIS AVRI, sub forma, conditionibus, statutis, modis & articulis, qui sequuntur.

Primò ordinamus, ut in Ordine antedicto sint unus & triginta Equites, viri nobiles nomine & armis, sine reprehensione, quorum nos erimus caput & Praeses, & post nos successores nostri Duces Burgundiæ, &c.

Datum in nostra vrbe Insulensi, vicesimo septimo die Nouembris, anno gratiæ millesimo quadragegesimo tricesimo primo.

Ff 3

NOTA.

1431

N O T A T I O.

ANNO 1429) stilo Gallicano, sed stilo Romano, annum à Kalen.
dis Ianuarijs ordiente, anno 1430. Ordo Velleris aurei est institu-
tus. Vide suprà cap. 90.

Initio non nisi XXV. pòst XXXI. Equitibus collegium Velleris
aurei constitit, ipso Præside ceteris annumerato. Sed Carolus postea
eo nomine V. Cæsar, an. 1516. sodalitum LI. Equitum statui: quod
hodieque obtinet. Vide Origines nostras Equestris, Latinè anno
1609. editas.

Solent autem olim non à solo Præside, sed ab vniuerso collegio
Equites adsumi, in conuentibus publicis, seu comitijs, quæ vulgari
vocabulo Capitula nuncupabantur. Id primus mutauit Philippus
II. Rex Catholicus: vt ex subiunctis diplomatibus Pontificijs datus
intelligi.

Ordinis huius equestris Historiam breui, vt spero, publicabit V.
Cl. Ioannes Jacobus Chiffletius Vesontinus.

*Gregorij XIII. Papæ diploma ad Philipplum II, Regem
Catholicum, an. 1572. datum.*

Gregorius Papa XIII. Carissime in Christo fili noster salutem
& Apostolicam benedictionem.

Exponi nobis nuper fecisti, quòd ad præsens vacant plura loca &
officia Ordinis seu societatis Velleris aurei, *Dei Tucson* vulgo nuncu-
pati, & dubitas de locis & officijs huiusmodi extra Capitulum dicti
ordinis disponere seu prouidere posse.

Ad omnem igitur dubitandi materiam tollendam, tuis in hac
parte supplicationibus inclinati, tibi, vt hac vice de locis & officijs
huiusmodi extra dictum Capitulum, quatenus id aliter facere ne-
queas, ad tui beneplacitum, disponendi licentiam & facultatem,
Apostolica auctoritate, tenore præsentium, concedimus.

Non obstantibus, dicti ordinis, iuramento, confirmatione Apo-
stolica, vel quavis firmitate alia roboratis, statutis & consuetudini-
bus, stabilimentis, vissibus & naturis, etiam si in illis caueatur ex-
pressè, quòd illa officia extra dictum Capitulum conferri non pos-
sent,

fent, & aliter factæ collationes & prouisiones nullæ essent; priuilegijs quoque induktis & litteris Apostolicis in contrarium quomodolibet concessis approbatis & innouatis (quibus omnibus, eorum tenores in præsentibus pro expressis habentes, illis alias in suo robore permansuris, hac vice dumtaxat specialiter & expressè derogamus) ceterisque contrarijs quibuscumque.

Datum Romæ apud S. Petrum, sub annulo Piscatoris, die XV. 1572.
Octobris, anno millesimo quingentesimo septuagesimo secundo,
Pontificatus nostri anno sexto.

Clementis VIII. Papæ diploma ad Philippum III. Regem,
an. 1596. missum.

CLEMENS Papa VIII. Carissime in Christo fili noster, salutem & Apostolicam benedictionem.

Cum alijs vacantibus pluribus locis & officijs ordinis siue societas AVREI VELLERIS, Del Tuson vulgo nuncupati, de quibus tu forsan dubitabas, an extra Capitulū dicti ordinis prouidere posses, felicis recordationis Gregorius XIII. prædecessor noster, supplicationibus tuis inclinatus, Tibi, si extra dictum Capitulum generale eiusdem ordinis de illis aliter disponere non posses, de ijs extra illud liberè & licetè prouidendi licentiam & facultatem concederit, prout in eiusdem Gregorij prædecessoris, in forma Brevis, decimo quinto Octobris, anni millesimi quingentesimi septuagesimi secundi, Pontificatus sui anno sexto, expeditis litteris pleniū continetur, quarum vigore, sicut nobis exponi fecisti, tu de pluribus eiusdem ordinis locis & officijs tunc vacantibus dispositi siue prouidisti:

Cumque nunc de alijs etiam, quæ postea vacarunt, similiter prouidere cupias, eamque ob rem eiusdem Gregorij prædecessoris licentiam ac facultatem, usque ad numerum locorum dicti ordinis nunc vacantium completum, per nos extendi & ampliari, siue illum tibi de novo concedi, per dilectum filium nobilem virum ANTONIVM DE CARDONA, Sueffæ Ducem, tuum apud nos oratorem, à nobis postulaueris:

Nos supplicationibus tuis huiusmodi inclinati, litterarum prædicti prædecessoris tenorem pro espresso habentes, Tibi de omnibus locis atque officijs dicti ordinis, nunc vacantibus, quatentis extra dictum

dictum Capitulum de illis aliter disponere aut prouidere nequeas, ad tuum beneplacitum, vsque ad numerum locorum dicti ordinis completum, extra idem Capitulum generale, disponendi & liberè ac licetè prouidendi licentiam & facultatem, Apostolica auctoritate, tenore præsentium, concedimus & impartimur.

Non obstantibus dicti ordinis ut supra.

1596. Datum Romæ apud S. Petrum, sub annulo Piscatoris die XV. Ianuarij, 1596. Pontificatus nostri anno quarto.

C A P V T X C I X.

Cartusianorum monasterium, haut procul ab urbe Bruxellensi, à sancto natu Populoque Bruxellensi fundatur, fauente Philippo Burg.

*Brabantiaque Duce. Id Pius II. Papa an. 1458.
probauit.*

PIUS Episcopus, seruus seruorum Dei, ad futuram rei memoriam. Pastoralis officij debitum nos excitat & inducit, vt ea quæ proficeret Religionis propagatione, ac diuini cultus augmento, nec non pro statu prospero monasteriorum, aliorumque piorum locorum, nec non personarum in illis sub regulari obseruantia, studio piæ virtutæ, degentium, utilitate prouide facta sunt, firma perpetuò & illibata perhistant, Apostolico munimine solide mus.

Sanè, pro parte dilectorum filiorum Prioris, & Fratrum monasterij B. Mariæ, prope & extra muros opidi Bruxellensis, Cameraicensis dicæcessis, nobis nuper exhibita petitio continebat,

Quod dudum dilecti filij, Burgimagistri, Scabini, Consules & Rectores eiusdem opidi tunc existentes, ad laudem & honorem Dei eiusque matris beatæ Mariæ Virginis, & omnium Sanctorum, quoddam monasterium seu cœnobium pro septem fratribus, aetatis aut quattuor ordinis Cartusiensis Conuersis sub regulari obseruantia eiusdem ordinis Altissimo famulantibus,

De consensu & voluntate, tam dilectorum filiorum nobilium virorum, PHILIPPI Ducis Burgundiae, quin etiam CAROLI Comitis de Charlois, cum suis consortibus, ad huiusmodi cœnobij foundationē affectuosè auxilium, consiliū & assenſum piè præbentium,

Apud